

ZAPISNIK

Predsjednica Skupštine Udruženja „ORIGINAL“ za ostvarivanje i zaštitu reproduksijskih prava, Lejla Alić sazvala je prvu redovnu sjednicu Skupštine za 2018.godinu na dan 14.6.2018.godine u Sarajevu, s početkom u 12:00 sati.

Skupština je održana u Sali Vanjskotrgovinske komore BiH, Branislava Đurđeva 10, Sarajevo.

Predsjednica konstatuje da ima kvorum (25 prisutnih članova) te da se sjednica Skupštine može održati. Predsjednica izvještava da je pristiglo i 6 (šest) glasačkih listova u odsustvu, koji će se pribrojiti glasovima po pojedinim tačkama Dnevnog reda. Glasove su dostavili redovni članovi sa pravom glasa: Berin Tuzlić, Udruženje Pixel, Mehmedalija Lilić, Agarthi Comics, Milenko Marić, Ljiljana Mitić-Rorić.

Za zapisničara je imenovana Lejla Gačanica, generalna sekretarka Udruženja.

Prisutne je pozdravio Predsjednik Udruženja Goran Simić, te poželio uspješan rad Skupštini.

Ad 1. Skupština je jednoglasno usvojila sljedeći Dnevni red:

1. Usvajanje dnevnog reda, imenovanje zapisničara i ovjerivača
2. Izvještaj o radu Udruženja Original
3. Odluka o usvajanju korekcija Finansijskog plana za 2018.godinu
4. Odluka o formiranju Komisije za izradu Nacrta Pravilnika o raspodjeli i imenovanju članova Komisije
5. Odluka o prijemu u članstvo novih članova po pristiglim Pristupnicama
6. Ostala pitanja

Ad.2 Izvještaj o radu Udruženja Original u prvih 6 mjeseci 2018.godine su podnijeli Predsjednik Upravnog odbora Damir Uzunović, Predsjednik Nadzornog odbora Ivica Rorić i Direktorica Stručne službe Lejla Gačanica. Predstavljene su aktivnosti koje je Udruženje imalo ovom periodu: Izvještaj o radu Upravnog odbora, podnošenje i status prema Završnom računu za 2017.godinu, aktivnosti Stručne službe na mapiranju korisnika, informisanje i prikupljanju podataka za izradu baze korisnika, provođenje promotivnih aktivnosti, izvršena fiskalizacija, započeti pregovori sa korisnicima i zaključeni prvi ugovori u obje kategorije korisnika te počelo prikupljanje naknada, aplikacija i primitak u Međunarodnu federaciju organizacija za reproduksijska prava (IFRRO). Damir Uzunović je predstavio Izvještaj o provedbi Finansijskog plana u prvih 6 mjeseci 2018.godine prema kojem je kategorija Priliva u zaostatku u odnosu na predviđeno, dok je Kategorija Odliva u okviru predviđenim Finansijskim planom iz decembra 2018.godine.

Ad.3. Predsjednica Skupštine otvara treću tačku Dnevnog reda i daje obrazloženje zašto se podnosi prijedlog korekcije Finansijskog plana za 2018.godinu, navodeći da se u prvih 6 mjeseci 2018.godine uočilo da postoji potreba za korekcijom zbog čega je Upravni odbor, zajedno sa konsultanticom ekonomske struke, uradio analizu Finansijskog plana te predložio izmjene. Prijedlog korekcije Finansijskog plana za 2018.godinu je dostavljen svim članovima u materijalima za Skupštinu. Izmjene u prijedlogu se odnose na prihode i rashode. Na rashodovnoj strani su napravljene određene korekcije. Naime, zbog manjeg priliva sredstava od očekivanog, pojedine aktivnosti su odložene za narednu godinu, te će biti uključene u finansijski plan za 2019. godinu a troškovi za određene aktivnosti su

reducirani. Zbog dugog perioda pregovaranja i zaključivanja ugovora sa korisnicima, umanjen je i iznos prihoda koji se može očekivati u 2018.godini (u odnosu na predviđeni iz decembra 2017.godine).

Predsjednica Skupštine poziva članove da daju komentare ili dodatne prijedloge o prijedlozima korekcija. Prijedloga i komentara nije bilo, te poziva na glasanje.

Skupština je jednoglasno (prisutni i glasovi u odsustvu) usvojila Prijedlog korekcija Finansijskog plana za 2018.godinu.

Ad.4. Pozivom za kandidaturu za Komisiju za izradu Nacrta Pravilnik o raspodjeli broj 01/18 od 16.5.2018.godine upućen svim redovnim članovima da dostave kandidaturu za Komisiju za izradu Nacrta Pravilnik o raspodjeli. Poziv je definirao uslove, rokove i način prijave te je upućem elektronskom poštom svim redovnim članovima. Predsjednica Skupštine čita uslove za formiranje i rad Komisije, koji će činiti Odluku o osnivanju Komisije za izradu nacrta Pravilnik o raspodjeli. Poziva prisutne da daju prijedloge i komentare na sadržaj Odluke (uslovi, rokovi, rad). Prijedloga nije bilo.

Skupština je jednoglasno usvojila odluku o osnivanju Komisije za izradu nacrta Pravilnik o raspodjeli.

Nakon usvajanja Odluke o osnivanju Komisije, Predsjednica prelazi na dio o imenovanju članova Komisije. U predviđenom roku za članove Komisije je pristiglo 8 (osam) prijava između kojih će se birati članovi Komisije. Kandidovano je 4 autora i 4 izdavača čije biografije su dostavljene u materijalima za Skupštinu svim članovima.

Kandidati i kandidatkinje su:

IZDAVAČI	
Kontić Boro <i>Media centar</i>	Više od 30 godina radi kao novinar, dugo vremena radio na Radio Sarajevu. Urednik je svih izdanja knjiga koje je objavio Medija centar od osnivanja do danas. Objavljeno gotovo 30 knjiga i monografija od historijata BH medija do edukacije i istraživanja o različitim aspektima medijskih politika u regionu.
Darko Rubčić <i>Synopsis</i>	Po struci dipl.teolog, od 2015.godine radi u nakladničkoj kući Synopsis d.o.o. Sarajevo – Zagreb. Programski je orijentirana na istraživanja kulturnopovijesne, etnosocijalne, religijske, književnopovijesne, politološke i povijesne problematike Bosne i Hercegovine.
Ivan Anđelić <i>Hrvatski leksikografski institut BiH</i>	Direktor Hrvatskog leksikografskog instituta BiH, ustanove koja se bavi istraživačkom dhjelatnošću iz društvenih znanosti, te nakladništvom znanstvenih i umjetničkih djela.
Damir Uzunović <i>Buybook</i>	Do sada objavio tri knjige pjesama i knjigu priča. Uvršten je u bosanskohercegovačku antologiju proze i poezije. Priče i pjesme prevedene su mu na više jezika. Direktor je sarajevske knjižare i izdavačke kuće Buybook i direktor međunarodnog festivala književnosti Bookstan. Uposlen je kao urednik u izdavačkoj kući Buybook.

AUTORI	
Milan Cvijetinić	Profesor tehničkog obrazovanja, saradnik kantonalnog Pedagoškog zavoda u Tuzli i Federaciji BiH. Autor stručnih radova iz oblasti tehničkog obrazovanja i autor univerzitetskih udžbenika, Metodčkih priručnika za profesore i nastavnike, udžbenika i dnevnika rada, tehničke kulture i informatike za profesore i nastavnike.
Naida Vidović	Profesorica biologije. Autorica udžbenika za osnovnu školu..
Nedeljko Zelenović	Književnik i književni kritičar. Bavio se prosvetnim radom i novinarstvom. Član je Udruženja književnika Republike Srpske. Predsjednik je sarajevsko-romanijsko-drinske podružnice Udruženja i direktor Međunarodnog festivala malih scena „Monodrama Srpske“, te direktor Kulturnog centra Istočno Novo Sarajevo.
Ivica Vanja Rorić	Piše pjesme i priče. Prevodio je s makedonskog i slovenačkog. Zastupljen je u ediciji Hrvatska književnost za mladež u 25 knjiga (1995) te u školskoj lektiri u Bosni i Hercegovini. U Sarajevu ima izdavačke kuće „Bosanska riječ“ i „Dječija knjiga“, koje su se specijalizirale za dječiju književnost i udžbenike.

Predsjednica poziva da se glasa o kandidatima popunjavanjem glasačkih listova– glasati mogu samo redovni članovi, i to za 7 kandidata. Nakon obavljenog glasanja (prisutni: 25 glasova), te uvrštavanja glasova u odsustvu (6 glasova), *imenovani su članovi Komisije za izradu nacrtu Pravilnika o raspodjeli: Boro Kontić, Ivan Anđelić, Damir Uzunović, Milan Cvijetinić, Naida Vidović, Nedeljko Zelenović, Ivica Vanja Rorić.*

Ad.5. Predsjednica Skupštine obavještava da je pristiglo sedam novih uredno popunjenih Pristupnica za upis u članstvo Udruženja:

- Alija Balta, Sarajevo (akademski grafičar, idejni tvorac i glavni i odgovorni urednik strip revije BOSONA)
- Tamara Sarajlić-Slavnić, Sarajevo (nasljednica autorskih prava za Izet Kiko Sarajlić)
- Senadin Musabegović, Sarajevo (esejist i pjesnik, profesor Filozofski fakultet Univerziteta u Sarajevu)
- Nerzuk Ćurak, Sarajevo (redovni profesor na Fakultetu političkih nauka Univerziteta u Sarajevu, novinar, esejist i publicista)
- Damir Marić, Sarajevo (redovni profesor na Filozofskom fakultetu Univerziteta u Sarajevu, autor)
- Muhamed Ćurovac, Sarajevo (autor)
- Emir Bešić, Sarajevo (autor)

Prema odredbama Statuta, redovnim članom može postati isključivi nositelj prava na naknadu za privatnu i drugu vlastitu upotrebu djela, bez obzira da li je fizičko ili pravno lice, a koji je povjerio Udruženju ostvarivanje svojih prava zaključivanjem ugovora – pristupnice. Odluku o prijemu u članstvo donosi Skupština Udruženja u skladu sa odredbama Statuta i Pravilnika o radu Skupštine. Udruženje ne može odbiti zahtjev za članstvo iz oblasti svoje djelatnosti (kolektivno ostvarivanje prava na naknadu za privatnu i drugu vlastitu upotrebu pisanih djela), osim ako je nosilac prava već sklopio ugovor za kolektivno ostvarivanje svojih prava u BiH iz oblasti djelatnosti Udruženja sa stranom kolektivnom organizacijom.

O prijemu u članstvo Skupština je glasala jednoglasno (prisutni) i većinski (u odsustvu) za svih sedam dostavljenih pristupnica.

Ad.6. Predsjednica Skupštine poziva prisutne da delegiraju druga pitanja ili prijedloge.

Predsjednik Upravnog odbora Damir Uzunović se javio za riječ radi najave najavi planirane aktivnosti rada Udruženja Original za period 2018.godine (kolektivno ostvarivanje prava). Predstavljene su planirane aktivnosti Udruženja za narednih 6 mjeseci - nastavak informisanja korisnika, inspekcije, prve tužbe, kampanja podizanja svijesti: ostvarivanje saradnje sa korisnicima i medijima u pogledu informisanja o značaju reprografskih prava; zajedničko razvijanje prepoznatljivih obilježja 'legalnog kopiranja' sa IFRRO-om, i svakako saradnju sa Institutom za intelektualno vlasništvo.

Nakon što su se iscrpile sve tačke Dnevnog reda, Predsjednica Skupštine zaključuje sjednicu.


Sjednica Skupštine Udruženja Original je završena u 13:10h.

Zapisničarka



Lejla Gačanica

Ovjerivači zapisnika



Lejla Alić, predsjednica Skupštine Udruženja



Goran Simić, predsjednik Udruženja

Sarajevo, 14.6.2018.

Broj: RS/01/18